



河西集
五

共八

~ 16
2322
5



2322
8-5

河西先生全集卷之九目錄



五言律詩

拜李壯元座上有詩

以下一百二十一首別

吳先達註將下鄉送之以詩

又用前韻

贈別二首

良才雨中二首

奉謝白大裕評事

主人求詩書其扇上

大嚴春帖

法聖倉會話軸為城主題

上巳踏青

太液芙蓉

蓬萊曉月

金陵懷古

宣傳官契軸

中宮殿春帖

江亭會飲

越二日復用前韻

聽琴歌



又戲長卿用前韻

別柳仁仲

翰林贈五律求和

大殿端午帖

次石軒先生韻贈信道上人

飲趙養仲存酒仍被主人求詩

大殿端午帖

次歸來亭門巖韻 二首

贈金載清

送別 二首

泛金灘

金溝館話別

六年以酒來訪戲邀叔氏

丙午夏余既病無所事惟致意種蒔而移竹不
活稚松亦死鑿池畜魚又無子遺盆柚槁死
三梅死其二一為羔所齧陳惟善家有怪石
今致之墻下

閒居即事

謾書

新晴

晴後

致詩謝西齋

清遠樓作

別雲師和其韻

贈梁漢

即事

贈金玠原萬鑑

過謹夫家前溪亭

贈孟明寡悔吉元三君子

孟明示以寡悔別章余亦為贈

贈尹景仁

題龍亭

贈君直

贈釋堅上人

大谷與仁仲夜話

次李寧海龍城韻

詠山中四景

螢火

雨中

次容兄到礪良所作韻

題仲警壁上

尹上舍明允洵蓮亭韻

次悅卿病中詩示平叔

贈性澄

和惟善詩韻

定惠寺僧行靖求詩

江上

贈碧松亭主人

棲山寺寄仲吉

新晴

題肩吾壁上

題人家亭子

贈文師二首

題畫竹

贈僧兼寄吳君

醉贈李碩

次慶老韻

瀟灑亭韻

寄贈金尚州季珍

華陽亭

次門巖韻二首

苦雨歎

次環翠亭韻

無題

贈元禮

李君求詩

剛仲將下鄉葬其兄求挽

聘母挽二首

挽金原祖積

挽柳君洽

挽門巖二首

挽遠期郎中二首

挽載寧郡守二首

挽瀟灑園主人三首

挽孫三宰

挽李仁仲宗元

挽景明君忱夫人

挽奇上舍

挽錦陽君夫人安氏二首

挽李進士坤毋氏二首

挽容兄姨

挽李伯喜祖

挽李顯卿光國

挽監司

挽歌八首

次蘇齋韻二首○以下五首增

奉呈崔上舍栗亭廬下

次金上舍若晦閒亭韻

挽瀟灑園主人

河西先生全集卷之九

五言律詩

拜李壯元座上有詩以下一百二十一首別

迴望高原上江山十里餘長汀沙映帶遠岸樹扶疎
列巘粧雲鬢橫岡舞翠裾輕陰涵返照飛帆下清虛

吳先達詮將下鄉送之以詩

都城離合地湖海短長亭誰憐韋帶瘦爭歎錦衣榮
遠別頭堪白新知眼共青相看還脉脉身世一飄萍

又用前韻

灑灑盈觴酒勞勞送客亭輕颿生後席寒日照前榮

亂雪千山白浮雲一抹青淋漓將醉倒江漢笑浮萍
贈別

一紀離違際三杯晤語餘凌晨醉北闕指日戒東車
海外聲名久年來鬢髮疎休將關路遠去問武陵魚

其二

迢遞湖南路蒼茫歲欲除松楸隣我邑桑麥近君居
定有回春鴈寧無下海魚政成公事少吾亦往來於

良才雨中

山雨連朝暮他鄉客政愁海棠紅欲亂階草綠方柔
咄咄林間鳥啾啾郭外鳩何堪午夢罷旅榻獨夷猶

其二

鄉關春政暮驛路夏方初旅枕三更夢行裝一卷書
空長滅征鳥水闊迷歸魚梅雨江雲北京塵化素裾

奉謝白大裕評事

曾聞天下白記室塞雲端幾歲清塵隔中秋皓景闌
君忙馳驛路我病卧湖干吹帽臨佳節余冠爲子彈
主人求詩書其扇上

芹泮追隨久雲程騰翥先惟吾湖外散見子嶺頭仙
醉作燈間飲吟成別裏篇明朝雲樹思萬里雨茫然

大殷春帖

千門涵淑景佳氣入春饒盛治從今見休明視古超
玄機回渺漠大樂聽清遼平秩看東作民生得自聊
法聖倉會話軸爲城主題

宸恩汪溥海爲國各奔趨撲地羅廛閉迷津接觸鱸
稅充王府用膳入御厨需餘事供遊覽昇平四
美俱

上巳踏青

有興裁春服無妨作晚遊周家觴曲水晉客詠清流
陌上紅方嫩郊邊綠政柔浴沂當日意回想轉悠悠
太液芙蓉

肅肅千門裏澄波鏡樣寒仙葩嬌欲語淨色遠堪觀
最喜瑤池種偏宜玉井闌誰論木芍藥騰價致金鑾

蓬萊曉月

碧海冰輪輾天雞曉漏遲寒蟾九萬里丹桂幾多時
皎潔銀河轉清溥玉露滋餘光依自幸摸寫愧難支

金陵懷古

鳳去臺千古城空倚斷霞晉宮空粉黛吳殿失繁華
古道林狐窟斜陽野草花畫輪龍虎氣昭代屬皇家
宣傳官契軸

赳赳推聲望華攔禁裏開宣傳天上下罷直日邊迴

養爾昇平夕要他急難才從容尊俎際英略亦須恢

中宮殿春帖代人作

地儀玄象覆月配太陽昇專靜心無介咸亨化有徵
蜀塗堪讓德莘摯亦羞稱至矣資生遍千年好順承

江亭會飲

樹木簷楹外歌吟雪月中臨江冰滿目把盞酒盈甕
有燭夜成晝無琴松自風三更興未盡醉著鬢三千

越二日復用前韻

前宵乘雪馬往返醉鄉中皎潔三千界微茫八九宵
忘形耽勝賞失計觸寒風擁褐猶堪戀瓊華綴翠茸

聽琴歌

青山酒不盡傾耳聽鳴琴松老千年色天長萬里心
星河稍燦爛杯爵且淋漓秉燭酣清夜留連寓醉吟

又戲長卿用前韻

為問相如渴惟憐卓氏琴臺邊無絕響壁裏孰挑心
糝器人嫌蕩當壚世笑淫誰看翻覆手便聽白頭吟

首句一作司馬春
來渴開精卓氏琴

別柳仁仲

雪從今夜白日比曩時長千里思鄉客三杯惜別腸
當年心共事異日立兼揚醉後臨風晚悠悠雲樹茫

翰林贈五律求和

井裏伸蛙步龍門拜李君玲瓏承玉韻燦爛仰星文
酒外秋風嫋詩邊海日曛自榮陪後席瞻望德彌薰

大殷端午帖

南風彈舜曲瑞莢報堯蓂綵縷纏長命朱符帶赤靈
門懸蒲艾滿衣試葛羅輕誰復江潭上行吟歎獨醒

次石軒先生韻贈信道上人

山中輸一寂谷外謝千譁唇慶青峯下剛泉綠水涯
御風閒慕列逐日苦憐夸世慮吾要滌分渠數椀茶
飲趙養仲存酒仍被主人求詩

醉步迷行徑衣裳污濁流王孫淡見遇客子信難酬
夜坐絃聲遠晨興酒意悠喜聞天日曲聊復為君留

大殷端午帖

文明周禮樂煥赫舜衣裳令節回中夏陽光溢上蒼
蘭湯初沸暖蒲酒夏凝香且獻華封祝風清晝景長

次歸來亭門巖韻

亭上歸來客林園自昔時清和佳節會歌吹暮雲遲
竹逕人初散荆扉我不知狂吟醒醉裏言志即為詩

其二

主人多愛客尊酒宴良時就醉歌筵密忘歸舞袖遲

提携浚浚爵傾倒舊新知不省行穿竹誰傳席上詩

贈金載清

白髮今非昔昔花尚未秋悠悠湖外面脉脉漢陽遊
得酒渾忘病哦詩不用愁臨分鐙欲截并轄莫論投

送別

詩媒今日契面托後年期雲外孤帆影天涯萬里思
風吹倦客夢月照異鄉庖羨子萱堂側晨昏彩服隨

其二

雨霽開窻看天雲一望平松聲還屑窳山色靜分明
酒罍因愁倒詩囊得句傾何當復遠別客裏若爲情

泛金灘

晚泛金灘棹高瞻李子亭鷗眠洲畔葦魚闌浪頭萍
雲影侵山白天光著水青菱歌生浩蕩孤興入冥冥

金溝館話別

簷前看白日杯酌對黃堂少小遊前闔何年醉後塘
風煙方向晚松竹政涵涼惜別因留語囑去路長
大年以酒來訪戲邀叔氏

昨醉歸來酒而今又舉觴溪魚時入饌籬菊晚凝香
自笑李居士難招王歷陽前山煙霧暗雙眼更蒼茫
丙午夏余既病無所事惟致意於種蒔而盆具

河內先生集
顧未可卒得乃移竹於汲鑿至再皆用種法猶
不活各節解而死冬有樵童得稚松一叢其株
三十有二栽之碗中亦死又嘗有溪蓀二叢一
傳之蟻背以爲常玩一仍在石上雪山交代適
來見爲教工人略做鼎爐爲制以送之石上者
傍列他奇石下鋪以白沙而放以小魚寘之庭
極寒凍裂魚亦不能存舍南有菜畦泉流自籬
外入圃鑿一掬地累石而瀦之所畜魚先後凡
若干尾或殘於貓或蝕於蟲又或爲兒輩之烹
食焉無孑遺者甲彥沃氏致盆柚長可尺餘益

所撫玩至冬而失其養且爲兒童所振搖遂以
槁死梅則丙午春在長城家少子從虎所移上
破器者三而自來南山家夏死其一死於丁
未冬春之交而盆改於許應瑞所存一株再爲
生負叔之蒸所齧枝葉尚未能夏萌焉陳惟善
家有怪石今致之墻下時四月壬辰也

夏竹離盆節寒松瘁碗叢冰堅蓀鼎裂賊盡虜魚空
柚因兒搖萎梅傷獸齧童墻邊醉道士幾歲楚山中

閒居卽事

竹新猶帶碧梅老漸能斜黃待重陽菊紅留四季花

河西先生集
風翻陶令秫雨打邵生瓜自對韓盆水仍憐漢客槎
謾書

雞鳴海色動月落曉光寒薰帶經肯緩蘭膏過夜乾
長天憑望盡永日坐銷難却對南山坐詩書懶更看

新晴

雲物逢春早新晴鏡發奩竹中棲暮鵲天上掛寒蟾
積雪全消麓輕煙半入簷橫斜梅一樹要我莫相嫌

晴後

浩浩霜村北泔泔祭石南潮平黃卷潦風靜碧疑潭
松影山將落雲光天與涵一心如若此天地可相參

致詩謝西齋

散漫松間影玲瓏冰下泉尊傾調急管月側罷清筵
醉舞沿溪曲狂歌遶樹邊歸來興不盡嘯詠謝諸賢

清遠樓作

地勝臨空閣憑欄絕世紛池涵山夜月窻入海天雲
玉密淡凝碧金團晚吐芬相忘魚鳥樂終歲度朝曛
別雲師和其韻

莫擬詩壇將龍鍾十數年師來真偶爾吾病奈其然
白日明茅屋蒼苔滿石田柴扉恨不出此骨豈能仙
贈梁漢

河西先生全集
君以一壺酒銷吾千載憂風光方在夏鬢髮奈先秋
羨子精神壯嗟余筋力柔工夫須戒慎歲月怕如流

卽事

旭日初騰海微煙半暎簷踈籬圍積雪喬木隱輕簾
酒滿情彌重顏醜興更添長吟雙耳熱不覺早寒嚴

贈金玆原萬鑑

草屋逢情友松簷發酒狂金鰲山落日大麥洞青陽
一醉無論外千鍾不計場風光正浩蕩且飲莫商量

過謹夫家前溪亭

山尖華岳勢岸曲錦江流連原青靄謁出岫白浮浮

歌馬亭還古吟詩稍欲秋良朋在天末此過阻清遊

贈孟明寡悔吉元三君子

昨晚欣相晤今來喜再歡扁舟依側岸危閣俯層欄
促席談今古忘形照肺肝如何又告別使我抱悒悒

孟明示以寡悔別章余亦爲贈

好人不多得送君其奈何那堪會面地復此贈行歌
葉落千山徑江清萬里波優游隨所適自樂豈由他

贈尹景仁

華岳松明雪孤軒酒滿杯長吟忘日暮遠抱爲君開
鄉土情何切朋游興未裁村童喧擊鼓驚倒歲華來

題龍亭

環碧堂下有龍湫故曾以名亭

百尺長松下危欄俯碧灣苔磯經雨潤柳岸送春還
隱暎林間屋參差郭外山峯西日未落宿鳥欲投巒

贈君直

同寢于環碧堂

盡日溪邊雨通宵松上風低徊談笑共淹滯枕衾同
未散雲容黑初開曙色紅匆匆臨別語何日更相逢

贈釋堅上人

早晚離方丈春山淡靄邊頻尋塵裏榻要就軸中篇
洛溪吾行急湖陰爾跡偏匆匆詩八句相憶在他年

大谷與仁仲夜話

候蟲鳴夜涼列宿耀寒芒行色一作客路從千里朋情對
一場偏嫌催短律轉怕屬淡觴不寐挑燈坐明朝別
意忙

次李寧海龍城韻

相遇於鎮安

知章換酒處太白下樓時千古存餘韻當年逸幾詩
應看石磊磊莫歎棗離離痛飲須今日明朝何處思

詠山中四景

洗耳人間事榮枯總不知松花香散漫雲影暖依遲
落葉聞風夕寒梅見雪時蕭然真箇興今歲及來茲

螢火

河西先生全集
涼秋夜寂歷處處見流螢擘擘終難定區區強自明
已將星有嘒旋與燭雙熒未足看書帙何堪照畫屏

雨中

雨灑南樓晚雲光異昔時庭松明露葉谷柳亞風枝
隴上苗興稿原頭草被滋從今沆可樂一澤亦恩私

次容兄到礪良所作韻

一生長作客幾歲走塵煙困頓江波涉間關嶺路緣
未投宗慤筆誰贈繞朝鞭事業休中畫山高石一拳

題仲警壁上

卜居儘幽寂不知人世忙門墻連樹影窻戶襯雲光

欹枕詩成癖傾觴酒入狂雞棲兼犬吠閒卧任星霜

尹上舍明允洵蓮亭韻

池虛先得月閣冷半侵蓮風汎青錢上波明紅錦前
塵間回白眼醉後望青天靜對亭亭植榮枯付寂然

次悅卿病中詩示平叔

病中還有病無酒儘堪愁歲暮酬疲爵春來買健牛
風塵雖隔面霜雪欲蒙頭燈火論心地詩窮是我仇

贈性澄

皇天賦物性澄澈各完全只主中心敬無爲外累牽
巖花鳩尾寺江月飛湍淵弱喪須知懺歸來保本然

和惟善詩韻

隔墻花發萼繞砌菊移叢山迥日猶在尊痰酒不空
竹竿青裊裊松蓋翠童童男子形骸外相忘一醉中

定惠寺僧行靖求詩

定惠新羅寺浮圖十二層峯竒山峯律松老葉翳鬢
出岫雲無住尋源水自澄海棠寧擅美冬柏傲寒冰

江上

木馬層冰上寒江萬里風垂綸逢釣客把酒對詩翁
編閱瓊瑤窟吟憑造化功銀鱗供潑刺笑罷雪飄空

贈碧松亭主人

碧松亭下客長醉碧松亭可想超凡輩從知逸世情
鳧鵝看泛沒蔬卉見生成朝暮隨心賞怡然樂此生

棲山寺寄仲吉

積雪千山疊寒雲天一涯十年來往斷半幅別懷多
病鶴驚松露離鴻叫岸沙舊遊空在目何日復相過

新晴

乍出荒茆峒還經弱柳汀崖懸藤蔓絡磴絕樹根橫
雨過苔添綠雲垂水更青征鞭隨意著僕僕作閒行

題肩吾壁上

淺淡花映日疎密草爭春離合驚南北朋知雜舊新

聞君多疾病喜此定精神壁上題詩句吟來趣更真
題人家亭子

聞說池邊柳青青四五條亭高殊爽境勝絕煩囂
綠草緣平路滄波沒半橋松楸依百歲錫類有瓊瑤

贈文師

往歲茅簷下依稀醉眼看窮廬動慰訪遠別幾炎寒
我病嗚呼老渠行不作難千山飛錫杖回首笑蹒跚

其二

四季花邊醉僧來展軸看庭前梅結子日下客憑欄
菊對杯中聖嘗將病裏歡芒鞋山欲晚庭際獨盤桓

題畫竹

筆下傳噫氣長林不自由枝枝生颯爽葉葉戰颼颼
坐我瀟湘岸融神鼓瑟秋旁條未摧落靜聽亦脩脩

贈僧兼寄吳君

山人傳尺素知自谷城吳方丈三韓地靈仙萬古區
登樓妨蹙蹙悵望苦踟躕入手雙鸞尾臨風病欲蘇

醉贈李礦

光山通判酒提挈有賢孫細酌青燈下長吟白月痕
竹聲驚醉耳梅影慰詩魂欲謝還無地相思未敢言

次慶老韻

看君此夕寫已是十年題世事成今古人生歎北西
吟憐遠樹綠醉任暮煙迷此會良非偶休嫌數日携

瀟灑亭韻

五載遊蹤斷依然竹外扉池魚曾識面園木幾添圍
林壑無非主溪山人自稀眼前無俗物心地見精微

寄贈金尚州季琮

尚宰今元結罷氓得子蘇誅求無使牒劫掠絕民虞
餘事耽文墨馳書授簡觚狂吟聊走筆率爾博胡盧

華陽亭

水閣經新雨山明轉夕陽風威全息浪雲物政涵光

近岸亭誰築中流鳥自翔回舟乘暝色去去上蒼茫

次門巖韻

東臯舒嘯去竹裏百年亭坐客方乘興鳴禽如有情
望中山水綠溪處笑談清自然幽意在不必慕淵明

其二

昔人久已去往跡留園亭遠想貽孫業偏驚爲客情
脩篁秋色淨綠樹夏陰清醉罷黃昏後無心待月明
苦雨嘆

一雨終宵苦風威借吐吞橫吹衝瓦隙散漏射椽根
顛倒移書案驚呼列水盆床床沾濕盡兀坐待朝曦

次環翠亭韻

環翠亭誰主聞來欲問松須教客路闊莫使酒尊空
登望身雖隔吟哦思豈窮安能扶病去一醉亂雲中

無題

暮景侵來甚青年過去何人從厚與薄我愛實兼華
細雨茅簷下清漪水閣阿相思添病渴強嚼不時瓜

贈元禮

昔君共遊樂今我獨離憂依依泮水面忽忽洛城頭
海月阻清話山雲送晚愁龍門空悵望何日泛仙舟

李君求詩

簷外看星斗窻間引酒杯挑燈一夜話對席百年懷
高柱歌初罷狂詩興未裁休慳發一曲隨處助談諧
剛仲將下鄉葬其兄求挽

草草浮生事悠悠不復言誰知醉太白竟作病文園
泯默傷歸地悲涼慘在原最憐鸞失侶窺鏡日銷魂
聘毋挽

初悲男子絕稍喜女孩蕃坐膝歡爭甚扶床笑語喧
荆妻留永侍孩稚受偏恩擬撰苗宗誌羞非吏部言
其二

經營初黽勉舊業發孤寒羣下治專肅諸姬待更寬

河西先生集
隣間周匱乏賓祭飭盤餐女士看今世誰書事不刊

挽金原祖積

桂籍登名久官高貳六卿王言曾出納使節舊澄清
學士悲先沒齋郎仔後榮云公失耆老爲國倍傷情

挽柳君沿漑

內翰名南斗聰明不世才承家還有子逝水又生哀
關塞音塵隔溟波歲月頽千山冰雪裏一卧恨難裁

挽門巖

在世知無憾安閒當鼎鐘樓臺風淡淡庭院雨溶溶
翠嶺違先隴榮山托古封德音真莫逆旌緋慘窮冬

其二

聞說先君子曾淡秦嶽知婚姻應作好家室兩相宜
卅載偕琴瑟終身恨別離傷情餘一紀地下續前期

挽遠期郎中

落日投君話元龍抵頂眠敲門驚醉夢舉眼勸登筵
迭嗽松邊水催題筆下牋歸來從此訣無復對吟肩

其二

慷慨懷千古軒昂接一尊交游推氣槩流俗聳談論
精爽非前日風聲屬後昆江湖陳迹在遺恨隔春萱

遠期尊府時
牧于光州

挽載寧郡守

南班初入仕北郡竟分符歷秩存名望爲官作範模
吏民還涕泣朋識盡嗚呼賴有螟蛉托堪將舊業輸

其二

客路青山外功名白髮時田間勞字撫簿牒苦紛披
地下三千世人間六十暮孤魂悲舊宅執紼淚雙垂

挽瀟灑園主人

鬱屈青霞意悠悠入永宵春萱奈半落棣玉有先凋
吳水龍分劍秦臺鳳合蕭冥間如見女報我鬢蕭蕭

其二

累世婚姻好心肝各洞然龍鍾吾可憐零落子堪憐
松梓留餘迹溪山有舊緣沉痾阻執紼帶帶寒煙

其三

瀟灑園泉石人亾奈爾何徵詩曾有詠挽柩奈無歌
草樹荒村裏乾坤碧宙阿存亾從此別兄去我沈痾

挽孫三宰

鼎軸推耆舊天何不憇遺當家無嫡嗣傳業屬旁支
儉德人追慕謙光史可垂傷心百年事惻愴自孤嫠

挽李仁仲宗元

早結同鄉分中忝一榜交芹宮裾共接柴戶手常敲

縱酒乘酣醉忘言雜戲嘲如何今永逝虛室怨蟪蛄

挽景明君夫人

閔閔坡平裔輝光仙李枝宜家名素著協德事堪垂
幾歲存亾恨如今子女悲重泉尋舊約短旒帶寒颼

挽竒上舍

傾蓋聞先子清塵憶暨承秋成逢玉樹夏屋映壺冰
空北方奔驥圖南政擊鵬千鍾飛祿養心折白雲層

方奔一作須風
政擊一作佇海

挽錦陽君夫人安氏

玉色光城伯温温積德基同聲窈窕無間指非儀

琴瑟平生好悲歡卒歲期凄風驚綉幄內政恨誰尸

其二

婦德無餘欠如賓四十年尊卑和相內兄弟翕堂前
公綽家庭懿仙源配偶賢箕疇歎一福司命失常躔

挽李進士坤母氏

桃李初歡久桑榆暮景遷未亾非累歲之死忽當年
子女成家後兒孫滿眼前重泉無所恨壽福此雙全

其二

兆吉知神相辰良逼歲開靈烏輪土盡野鹿護松來
望向秋雲斷心因丁刻摧何堪失怙恃號慟怨餅壘

挽容兄姨

連袂桓家舊無分同氣親春秋子女長歲月酒漿陳
凶計傳千里沈痾誤一身空山傷瘞壁此日淚霑巾

挽李伯喜祖

初從司馬選幾歲試牛刀政抵催科拙心因字撫勞
寬和遺惠愛廉潔厲貪饕積善知餘慶諸孫盡俊髦

挽李顯卿 光國

耿介乖流俗殫情向友朋龍門雖蹭蹬鵠列亦騰凌
大限中年盡沈痾一夕乘無兒何所托念此慟難勝

挽監司

好享人間壽悠悠七十春慈祥原性稟悃悞見天真
故里迎旋翼窮村泣吏民佳城悲執紼薤曲淚盈巾

挽歌

挽人而失其名
氏並以類見之

早服門庭訓子歸德有儀中年鸞鏡破竟歲柏舟悲
婉孌偕亾約啟勤同穴期幽明終不隔地下會重隨

其二

不獨才名盛仍兼德業優經綸大手筆霖雨巨川舟
五紀人間事千秋地下遊承家無子女一恨幾時休

其三

翰墨專場早風雲得路賒馬卿曾在病莊叟久忘家

得喪看槐夢風聲倚棣華諸孤何怙恃三紀是生涯
其四

韓滂年尚少羅隱志空休未躡青雲路還題白玉樓
高堂子夏哭虛室衛姜舟在腹迷男女荒涼土一丘
其五

三紀信須更微官豈足娛歡樂不滿眼神崇忽纏軀
已隔孤栖匹終無反哺雛佳城今永閉慘惓曉風呼
其六

富貴元非願高年德並崇生涯隨水盡世事逐雲空
白日千年後黃梁一夢中九原嗟寂寞山月掛疎松

其七

家世芳名遠芝蘭奕葉猗達尊推德業遐筭近期願
南極星芒隱東門薤曲悲無兒憐伯道執紼淚雙垂

其八

高年踰大耋榮寵自皇天德配鴻儒重名因驥子傳
悲風吹舊宅苦月照新阡此去應無恨三山尋宿緣

次蘇齋韻

以下五首增

金鰲山上月影落碧波亭橘老風期遠梅仙氣骨馨
誰乘緱嶺鶴與問楚江萍歲晚相思苦秋蟲四壁聽
其二

倏倏千年後空懷慕考亭終身扣絕響何處襲遺馨
暗暗平林雨悠悠江漢萍願言推所覺開發視兼聽

奉呈崔上舍栗亭廬下

閔子人無間曾聞論發公知方入縣報審却達天聰
病懶吾難狀精誠子有終末由躬致賀庭玉喜玲瓏

次金上舍若晦閒亭韻

危檻憑虛起頽然寄老身臨風頰極目對月漸澄神
山色和雲淨川聲得雨新賞心雖坐晚亦足展吾真

挽蕭麗園主人

德行欽從昔推揚子弟賢奉親仁既篤收養義兼全

一醉賓朋好三生花草妍園林蕭瑟處誰與舊金傳

河西先生全集卷之十

河西先生全集卷之十目錄

七言律詩

贈孝先

同仁仲仰而往和仲處飲酒

善卿要和鄭使君漢龍之作

和宋上舍送別韻

別朴養叔

餞正則

津宮留別

用吉元韻

蓮臺菴贈德茂

訪彥鎮兄林亭

贈德茂毅之諸君

偶出後亭

女院作

見月出山

兵營作

用佔畢壁上韻呈兩先生

清遠樓作

次伯邃韻

俛仰亭韻二首

戲贈士遂二首

中宮殿春帖

中宮殿延祥帖

臘前三白

次廣寒樓韻

送德茂之雲住

黃菊

次觀水亭韻

觀燈

李校理行余以息辰不得就餞將酒壺及詩致于餞席

丹城宅和壁上韻

伯遠向慶州至船上求酒於余余以息日未出見致酒肴及詩為別 五首

大殿端午帖

宋同知林居韻

大殿延祥帖

二樂堂

用校理韻 二首

次李士重 洪男韻

喜雨

吉元有詩次其韻

次吉元韻

司圃契軸

大殿端午帖

題主庵詩卷

辛卯蓮榜曹司契會軸

廣寒樓韻

送李都事還京

次圭庵相公韻

次仁仲韻奉別相公

龍城奉別圭庵相公

圭庵赴都之行

風詠亭次圭庵韻

與李博士浩沽酒夜飲

墨竹

和張浩源詩贈李而直別

大殿春帖

濟川亭次 華使韻

次 天使謁 聖廟韻

玉堂失鶴韻

大殿端午帖二首

中宮殿端午帖

和士遂韻贈僧

金上舍堂詠

觀政樓

士遂別我雪山之行以不忘君不忝職節飲好
讀為贈丙午夏家居長城偶閱而有感因依

其韻和之四首

謝橘盆

登吹臺

獨樂園

涿溪十詠

次李天安蘭韻贈玄上人

別金慶老

安珎原鴻將遮具校餞之余適過之作此

吟示景范仲明

再題倪仰亭二首

送金博士太容

題友人亭子

贈季珎

寒蟬

詠茱萸

贈燈谷上人

宋君綸有同知所題堂詠和之

春之索和新齋漾碧亭韻

放酒丹巖遂發宿證次贈吳祥之二首

已酉秋作二首

次退溪韻

次汝珮

和贈徐措大

竹簟

憎蠅

詠鳴鴉

次花潭讀易詩韻二首

樂聖堂

水雲亭

移蠟梅於階上剪其枯枝存其嫩條而培之
題竹院

環碧堂

示景范仲明二首

竹雨堂

用魚灌圃得江韻

挽兪判書汝霖

挽容兄尊府二首

挽尹士栗

挽瀟灑園主人

挽趙叅奉世珩

挽崔富平

挽李上舍

挽金右相

贈郭上舍

以下七十八首別

泮宮留別

題尹上舍林園

慶席公望以兩恩同慶為題使之賦

與齋中諸上舍酬和

大殿延祥帖

臘前三白

心靜海鷗知

潘妃步蓮圖

赤瑛盤櫻桃

贈昌盛

客中即事

上陽紅桃

未央垂柳

內翰見和又命和

負外不和夏呈乞和

題臨鏡樓

過石橋與太容聯句

憶舊遊書示李而直

觀擊毬

載酒遊亭上

惜春

垂楊

落絮

送南仲敬

路中逢雷雨帶月至家

贈燈谷上人

接花

送尹觀察關東之任

胤師求和訥齋韻

蓮臺菴贈德茂

贈金季珍

世梅堂

華師既贈二詩明日又示一律求和遂答之

謝申彥沃惠奇石

因仲悟謝太守之貺

偶閱東坡詩汲江煎茶戲徐孟不飲之作并真

一酒歌俱在一帙中因戲為詩

薛丈池閣

惟善於歸來亭下得一句以躑躅歸來為對余
先作結語為一絕用其韻酬唱遍於座中終
以躑躅之作湊成律詩

采奴得溪蓀一叢以歸送致城主

太守昨有溪蓀之和再用其韻

倒韻體

次贈吳孟佑

有贈

醉翁堂

和贈文寶

贈邕訓導

飲廣文李宜叟之酒醉餘為詩又致於主守

漢挈山

涿鹿戰

次智鑑上人軸中韻

贈別

應吉求和其二兄之詩

次吉元韻

喚仙亭板上韻

挽金典翰

挽容兄春萱兩喪 三首

挽容兄尊府

挽尹士栗 四首

挽景任

南上舍求挽其族姑

挽從弟殤子

哭亾女

哭亾子

挽李兵使

挽領相

尹大用行為人求挽

挽房負外

挽歌 五首

抵伯承寓舍不遇 以下二首增

題楊上舍 墩 光霽亭

五言排律

用觀頤堂韻題源上人軸

西都

送仁仲及第還鄉

夜坐懷吉元士重

題淳昌衙舍

張子房

次韻寄蘇齋 二首

全羅道歌謠

挽尹士栗

贈權判官 以下十五首別

詠雪

贈黃上舍

伯邃家作

全羅道歌謠

光州庠歌謠

全羅道歌謠

杆城郡歌謠

黃海道歌謠

挽李上舍

挽尹士栗 四首

挽金別侍

七言排律

天柱峯斲月

宿弓院

有懷吟示公幹

向晚方吟詩信可奴馬來路中逢雨旣至題此

以下二首別

十八學士夜宴

贈許道峯

增

河西先生全集卷之十

七言律詩

贈孝先

孔弟三千曾得宗工夫體用十章中省三平日存心
熟貫一當年觸理融守約卒傳思孟學歸全終致戰
競功人生父母天倫切百行元從孝上通

同仁仲仰而往和仲處飲酒

綠楊紅杏寫春光遊子何爲戀故鄉春服旣成沂上
樂儒冠多誤津中狂晴雲返雨天將夕醉興逢場酒
百觴萬里長風吹客面休教傾倒養賢堂

善卿要和鄭使君漢龍之作

一壁晴窗亦朗寥數觥春酒可相饒諸君問我齋堂
畔獨我尋君泮水橋世上人情翻手兩箇中文道歲
寒凋浮萍南北逢歡少且聽牙琴流水調

和宋上舍送別韻

捧袂歡虧別恨盈居然冰炭坐相并花殘風雨收春
色鳥倦園林變夏聲雲樹如今曾不意萍蓬從古豈
由情天長地闊迷行迹蘭佩猶須聞遠馨

別朴養叔

此間交道是金蘭二載芹宮耐苦酸以我屢曾窺藝

苑煩君復許立詩壇荆山幾歲勞三獻流水今朝試
一彈渭北江東思渺渺何時對酒更相看

餞正則

送君歸去故山秋酒薄情淡亦可酬東嶺雲嵐橫鳥
道錦江波浪漾蘋洲依依眼底看歸路歷歷山頭數
傳郵鶴髮高堂同一望此身難耐獨長愁

泮宮留別

湖南千里客回旋望裏羣山刮眼明酒後臨分雖歉
意夢中相對亦通靈春寒轉透征衫袖朝日初暄晒
巷庭一樹新梅繁欲寄奈堪江草喚愁青

用吉元韻

西城咫尺怨離居奈此中間會面踈夜半通情憑一
夢書來傳信付雙魚清詞未共吟時景疑義誰將訂
古書獨向松窗閒度日楚音何夕慰空虛

蓮臺菴贈德茂

依然一笑對山楹把手相看十載情不覺儒酸頭半
白獨憐交道眼雙青蛟龍永未泥中蟄寶劍今猶匣
裏鳴三獻幾曾勞卞玉暗中誰喜夜光明

訪彥鎮兄林亭

清境由來卜得難吾兄所宅罕人間凌寒粉馥梅三

樹度雪蒨蔥竹數竿羣鳴有情還泛泛長溪無任自
潺潺道遙亭上堪乘興嫌却當時俗士看

贈德茂毅之諸君

相逢行眙木蘭楹俛仰乾坤起遠情風浪收來江樹
綠浮雲捲盡暮山青閒臨洲畔羣魚躍靜聽臯邊獨
鶴鳴輸我片言知道合土墻端復向君明

偶出後亭

快風吹木草離披落葉翻空雲疾馳日彩昏明猶不
定雷聲喧寂自無期疎簾雨捲銀絲亂高樹鶯傳玉
管吹頓覺微涼蘇暑暍病身還欲事吟詩

女院作

廢院荒涼古樹間
簷邊矮塔暗苔斑
泉通墻角連前井
路屈山腰出後巒
香火因緣承舊俗
金銀殿宇換新顏
樓頭一笑逢僧話
老幼紛紛費往還

見月出山

遠望猶知月出山
亂峯巉削露雲端
根盤海國隣仙島
頂戛天垣接帝關
夬決瘴煙奔陣馬
鬱凝佳氣集翔鸞
從容後日思登陟
歷訪青螺十二鬟

兵營作

尹佐郎備申翰林潛俱會

秋風半入鎮南營
岸柳庭梧減舊青
箭勢星飛雲欲

歛鼓聲雷奮雨初
晴滿堂絲竹爭清越
繞壘河山聚淑靈
怯膽從今生意氣
邊軍無警賀昇平

用佔畢壁上韻呈兩先生

武伯詞宗共一堂
自憐寒士慣熬牀
臨兵每怕齊軍怯
對陣還嫌晉國強
海內欣逢一轉眼
天邊惜別九回腸
浮生漂泊無常處
今夕追隨記海陽

清遠樓作

坦之舅家

連山南下羣峯秀
大野西迴別浦遙
風送曉禽天不盡
露迎朝日霧方銷
荷蕖正好兩翻葉
梅嶼偏宜月上梢
靜聽幽泉寒瀉玉
綠楊多事鬪輕腰

次伯遠韻

匹馬西風歸路遙逢君
軒慰客情寥階前不費三辭
入門外還羸一笑招夜半談懷從薄暮曉來行色已
平朝肉肉不暇湖山賞他日相期月下橈

俛仰亭韻

蠶頭斗起壓平川一望風雲几席前春半雜花紅亂
映秋淡列岫翠相連寒松不廢千年色芳草渾疑三
月煙問却桑麻邀野老怡然時復數鷓鴣傳

其二

巾杖追隨會二難小亭高爽帶林巒風傳曉寺鐘聲

遠雲接長空鴈路漫好月臨昏山更靜踈篁搖暝
先乾蕭然自占閒中味萬事悠悠莫我干

戲贈士遂

類官行樂四年情回首雲霄萬里程三尺紅塵容老
子一場青眼謝先生松間誰羨養由的榻上應聞徐
穉名落葉西風吾亦醉昔時兒鬢雪添莖

其二

脉脉相看昔日情湖南漢北是長程高秋霽景林邊
照薄暮輕煙簷外生染翰銀臺君振步霑恩蓮榜我
連名吟餘最是多情思左手持杯嚼菜莖

中宮殿春帖

代尹大用作

温温京室嗣前徽上配乾剛贊德輝鳳輦早朝規夜
燎蠶宮親織驗春衣仁源膠木羣姬詠化遍天桃之
子歸坤道無成還有待從今猶可見神機

中宮殿延祥帖

福履綿綿降自天端從懿德古無前屏開孔雀輝朝
日鑪登麒麟颺晚煙玄鳥殷基知永世關雎周祚占
長年臣民共喜迎新慶歌頌謳吟到海邊

臘前三白

長官課試

玉皇飛散六花妍瓊屑三回見臘前上瑞只看登穀

粟竒功便在去蝗螟田翁共喜秋多穫詞客同懽頌
有年黃色定浮眉八彩廟堂調燮亦多賢

次廣寒樓韻

壓倒元龍百尺樓朱甍高聳出雲頭長川水闊天潢
落古樹風搖桂子收漢使謾勞銀渚泛唐皇徒夢月
宮遊人間自有清虛府不用區區物外求

送德茂之雲住

去住悠悠倚晚楹繁雲暖景惱愁情窻前鳥雀千聲
亂簷外松杉萬樹青疊嶂真成圖畫出清溪時作珮
環鳴今宵夢罷應相憶兩地山堂共月明

黃菊

禁中作

數叢甘菊日邊栽，隱逸何年起草萊。不向東風經雨發，還將秋月冒霜開。仙官已飽臨軒上，詩客初欣秉筆來。遙想家山親舊會，撥英隨意泛深杯。

次觀水亭韻

水氣清冷夏尚寒，主人無事獨憑欄。先登自解臨高岸，勇退何難趁急灘。孔聖德全山並樂，蘇仙意達月同觀。軒楹洞豁空中閣，俗子終須吐鼠肝。

觀燈

城南昨夜會觀燈，杯酒淋漓逸興騰。蓮焰似爭新月

影，火城疑入白雲層。夜闌風露星初落，客散輪蹄日未昇。家國太平多樂事，良辰歲歲自相承。

李校理行余以忌辰不得就餞將酒壺及詩致

于餞席

回首中原已十年，黃昏一拜更依然。忽聞旌旆臨山外，不覺離懷落水邊。薄酒何堪供勝會，荒詞聊足暢幽情。東南渺渺雲千疊，指點歸帆擬別船。第二聯一作空歎未於焉

丹城宅和壁上韻

林霽霏霏望不分，壁間題詠總淵雲。春闈未契逢崔

河西先生全集
子翰苑高風對柳君薄日堪憐窗外照寒蟬偏咽樹
邊聞黠餘石路依迷去他日重尋我欲云

伯遠向慶州至船上求酒於余余以忌日未出

見致酒肴及詩為別

湖堂作

三邦瓜割亂紛紛獨有新羅以久聞年少官昌能死
敵身亡后稷亦匡君塊隨競海登山沒心逐防秋撫
鏡分義烈至今流不泯君歸一一訪清芬

其二

山河秀異古王州人物繁華此寡仇曲水前基猶宛
宛井田餘蹟更悠悠玄琴幾斷金鰲頂玉笛相傳黃

鶴樓會待炎風六月望好將杯酒泛東流

其三

瞻星臺古月城虛鮑石亭邊歲欲除六部桑麻輸版
籍五陵松柏沒丘墟崔仙歸隱莊何在岑老逃空寺
謾餘笛息萬波今見否鳳生巖畔儻連裾

其四

觚稜一字殿東都天表分明照畫圖幾向羹牆勤
聖慕遂將籩豆徧名區官卑托重安無忝事簡心專
因或渝委吏當年猶不曠詩書况復未桑榆

其五

十年相信少如君幾度逢歡幾度分病後憐從西海
路雨晴欣共北山雲江頭匹馬頻追昔洛下連床忽
失羣好去辰韓寤勝槩歸來說與故人聞

大殷端午帖

聖主垂衣三十春一邦民庶慶良辰江心誰獻盤龍
鏡澤畔應無製芰人梅雨初晴鶯語軟麥秋方稔燕
聲頻百昌涵泳恩波裏數曲南薰德化均

宋同知林居韻

位重名高不自居林泉寓意宦情疎素琴撫罷期鸞
鶴縹帙舒來訂魯魚進德每加三省力責難時著萬

言書紛紛聲利非吾事方寸還同水月虛

大殷延祥帖

玄冥昨夜斂寒威轉覺陽功漸發揮義仲方當賓日
馭蚩尤敢自斲星旗體元祇益存心敬錫福應加致
國肥雨順風調登百穀卿雲長共華山圍

二樂堂

占却清幽此十分林風時捲度牆雲紅芳照水唯蓮
友翠色連山是竹君數隊游魚還自樂一聲啼鳥夏
堪聞祇應仁智來相訪真意寧須歷歷云

用校理韻

在玉堂

河西先生全集
詩主無邪書主欽慎知存養性兼心淵珠忍使塵泥
沒山木寧容斤斧善發充來泉出水私萌斷處火
攻金知直行熟方能進莫把前言一餉吟

其二

德不難明在一欽堪嗟利欲汨人心鳶魚察處誰加
省鷄犬公來便覺尋義到死生看易簣理存辭受見
兼金惟須向此思前定方是非徒信口吟

次李士重

洪男韻

隔樹遙岑翠靄沈依迷籬落漢江陰帆輕遠勢風回
浦葉眩斜光日轉林棲鳥共君歸袂憇暮雲和我客

愁澹丁寧此夜中天月愛與分明照兩心

喜雨

三春枯土水揚塵農事西疇恨未因六事桑林初格
帝八章雲漢已通神濛濛忽作今朝雨皞皞同歡一
國民始覺 聖恩天共大商霖調燮好經綸

吉元有詩次其韻

每恨諸君愛厥居故人非病亦相疎林塘送客聞回
駕江岸停船喜致魚助興屢呼歡伯將傳懷還倚老
中書南風又與歸舟便恍似騰身趁碧虛

次吉元韻

直望川原十里間，依稀籬落記人寰。
長風卷浪迷前岸，暮色和煙入遠山。
一架偏驚春後艷，滿堂爭笑醉中顏。
剡溪不盡當時興，短棹明朝未擬還。

司圃契軸

春入江郊細雨迴，畦丁齊力圃官催。
時來散下千般種，養得均添一樣培。
採摘登新知盡職，辛勤甘濟羨見兼材。
居然坐贊裁成事，功用還從圖畫開。

大殿端午帖

家國昇平所寶賢，彙征茅拔自相牽。
欣瞻帝舜華重協，莫使周文羨獨專。
永日移躔明殿上，薰風入曲遠

宮前天街十二槐，陰轉玉漏千門艾虎懸。

題圭庵詩卷

朝迴一室儼閒居，餘事無妨時放疎。
筆下倒傾三峽水，墨池飛出北溟魚。
人歸暮暉月窺牖，一作門掩落花風捲書誰向此間初卜築，只今偏覺境清虛。

辛卯蓮榜曹司契會軸

矜佩當時一榜歡，科名先後十年間。
朝端共路非新契，都下分司各末班。
隨處未開真面目，偷閒須向好江山。
相從乍脫塵銜束，莫使尊前笑語闌。

廣寒樓韻

生平見說廣寒樓誰解知音在上頭相國風期均所

仰觀察使使君聲績盡堪收府使橋橫烏鵲開真界

城偃蛟龍入勝遊方丈三韓天下向至今雲物怕誅

求

送李都事還京李以直

秋令司天暑尚餘亂蟬聲裏摻征裾廣平燕路行將

遠時去庵以冬元禮周庠席政虛別意未憑淡盞寫

孤懷至使赴燕只向短章舒洛中親舊如相問為報心勞下手

疎

次圭庵相公韻

日暮長程歌吹悲囟囟不暇徹襟期尋常此性該精
粗今古斯文幾盛衰每歎空虛乖本領旋愁華葉總
支離考亭絕緒今脩舉南士從知白鹿規

次仁仲韻奉別相公

謾將言語致殷勤不耐天涯此夕分幾歲玉庭扶世
道當年海路闡人文初因景慕心先醉旋被漸摩骨
已薰水榭山重元不隔德音時賴北風聞

龍城奉別圭庵相公

龍節遙臨大海陽瓜期浩浩閱炎涼南人拭目看新
政北關分憂謝舊行明道春風豐草上延平秋月庶

河西先生集
星傍悠悠奉別江樓晚慙愧無辭贊召棠

圭庵赴都之行

南滇北極兩悠悠遼鶴燕雲天盡頭去及陽生冬至
日行從暑退月明秋心平勿用憂無妄欲寡寧須戒
不求夏與詞宗同跋涉論詩一路好觀周

靈川云好當作且

風詠亭次圭庵韻

經營幾歲擬歸休慳秘多年真宰愁緩步且尋芳草
逕微吟好向白蘋洲他時與子窮遊行今代何人任
去留春服未應專勝事會乘佳月賞中秋

與李博士浩沽酒夜飲

比隣有酒遣兒沽列坐傳觴興不孤解手一年湖海
別逢場此夜肺肝輸初看醉眼紅生纈轉覺波尊綠
已枯窻下殘燈迷客枕任他宮漏報金壺

墨竹

一幅冰綃寫竹真數梢煙雨占長春枝掀葉舉精神
在節苦心寒氣象新趁暮棲禽迷側翅臨風詞客冷
侵巾此時王子遙相見定扣閒窻謝主人

和張浩源詩贈李而直別

旅興蕭然又送君寒雲暮景政愁人金灘萬頃層冰
壯月岳千峯積雪新別句寧辭吟處苦離觴莫厭醉

中頻君今亟去調湯藥戒轄西來趁早春

大殷春帖

鑪香輕動藹如雲佳氣蔥蔥繞 聖君堯舜垂衣治
邁古夔龍接武德超羣新陽徧布周遐裔惠氣芴霑
到十分四境謳歌無箇事九衢煙火任紛紛

濟川亭次 華使韻

江上天成百尺臺澄波凝綠鏡無埃茫茫極浦舟南
北杳杳長空鳥去來汀草有情吟外碧岸花隨意望
中開叨陪高會誠逾分乘興還須倒百杯

次 天使謁 聖廟韻

經幄從容補衮餘箕封文獻眷躡躅心傳聖學淵源
遠口播皇家惠澤舒道德無窮存廟享藏修有所見
齋居民彝物則通遐邇風土殊方語恐虛

玉堂失鶴韻

悔放殊姿送遠天只今蹤跡寄何邊留詩冑弔千年
柱刷羽堪疑十丈蓮清轉玉簫臺畔影微茫赤壁夢
中仙山高海闊無消息倘記當時玳瑁筵

大殷端午帖

異氣觚稜望鬱佳朝來瑞旭映天街霏霏香霧迷芳
草細細輕風拂綠槐鑑獻千官同日拜山呼萬歲一

時皆欲將盛德銘彝鼎珥筆長吟對玉階

其二

妍和光景此時佳
黎白歡呼十二街
甘露細消滋砌
芙蓉風輕拂舞宮
槐照邪龍鑑來呈
競續命朱絲拜
獻皆自有百靈扶
護密赤符何用奉
螭階

中宮殿端午帖

天時方屬宅南交
厚德無疆被瘴茅
暖日長薰蕙若
殿祥風輕拂鳳凰
巢楊江不用盤龍
鏡楚澤應無竊
黍蛟金盞菖蒲齊
祝壽爭將百草鬪
青郊

和士遂韻贈僧

三千界月印江心
靜坐聞香薜蘿林
半榻松風山雲
落殘霞鶴夢洞雲
渡青苔竹迳時時
過流水桃源在
在尋丈屨暫投塵
世上憑人輸取短
長吟

金上舍堂詠

華堂記得飯牛名
離合無端水上萍
卧病三秋勞夢想
高年一福享康寧
東門鼓角歌長夜
西獵非熊佇聖靈
知遇古來無早暮
蒲輪不獨漢皇庭

觀政樓

此身初豈爲功名
抱病年來白髮生
舊識南樓曾擅
勝今看東閣更專
清黃堂嘯詠供餘
事白屋謳歌屬

太平檻外最憐波映竹炎天猶作九秋聲

士遂別我雪山之行以不忘君不忝職節飲好
讀為贈丙午夏家居長城偶閱而有感因依其
韻和之

君寵親恩共昊天一身忠孝兩難全湖山近境優歸
養日月餘光滿壽筵一餉高堂榮已極兩宮仙馭慟
相連攀髯路絕南荒遠葵藿微誠病裏偏

其二

宦路無心巧抵巇疎慵况不繫安危三朝食祿承恩
寵一病休官歷歲時量力方知無悔吝隨空還喜省

嘗為追思往事真堪笑麟植當年位幾尸

其三

萬古閒懷何處寫百年浮景似風狂聖人曾有無量
飲仙客猶存作酒方心逐義農回朴素事殊禽邑趁
淫荒從容酬酢无非道日用周旋有底忙

其四

聖代偶售芹曝獻瀛洲倚玉愧非才駑駘未慣天閑
養樗櫟寧空禁苑培聲譽過情慙集兩工夫著實課
封苔尋枝摘葉渾閒事好學吾聞陋巷回

謝橘盆

弱植亭亭已自奇清香恰恰脉脉一作鼻先知風期不待
堆金顆標格猶存長碧枝變北齊談真襲誤生南楚
語亦偏私儵然獨立超凡卉病裏精神此可頤怡一作

登吹臺

突兀層臺聳半天地形軒豁絕雲煙千年風景杯觴
裏一望江山嘯詠前鴈帶輕寒歸故國鴉翻落日下
平田遊人慷慨當時事錯道登臨學散仙

獨樂園

投綬歸來一畝園詩書身世絕塵喧浚衣大帶閒遊
逕流水青山獨掩門用舍在人何預我行藏無意不

須言此間別有怡心處分外區區笑彼昏

漆溪十詠

百丈風潭六月秋亭前誰泛木蘭舟煙江一葉真人
卧雲漢枯槎海客浮夜半飛鳴橫獨鶴波間出沒有
輕鷗船窻擬訪仙滄叟魂夢長尋杜若洲

右仙滄泛舟

懸峯間在漆溪東揭號遙知萬丈崇倒影隔山初出
海半輪涵際未騰空停杯幾問蒼茫外擣藥多年縹
緲中盈缺世間輕喜戚只應無夜不圓融

右懸峯邀月

龍飛虎伏接鴻濛拱揖連城勢轉雄積氣吹噓非假
雨滿空波拂自生風東君旗旆威儀整上界車輿道
路通舒卷無心天地老坐看山色古今同

右瑞石晴雲

南海名山說錦城天寒西望玉崢嶸朝輝散射先凝
彩夜景交加遠徹明弱水三千仙闕聳層樓十二帝
鄉清儵然獨立如遺世不用區區訪戴行

右錦城霽雪

奇峯競秀際天南滿眼參參綠玉簪氣結海樓昇疊
疊香飄鑪篆舞麈毳毳浴寒鵬噉乍明滅梳洗螺髻時

兩三却晒平泉私片石何曾活畫占雲嵐

右月出杳靄

亭子前頭大野中一牛鳴外小孤峯環回蟪蛄連牆
屋點綴蜂房多異筒早晚桑麻占節候朝昏煙火閱
春冬翻思雨後江南路望裏分明夕照紅

右羅山村店

光羅廣野諺流傳北陌東阡望渺然水滿春畊江漢
浩風高秋熟塞雲連農謳互答炎天景滯穗分沾寡
婦饘白酒黃鷄歌蟋蟀村翁醉倒使君筵

右楊坪多稼

指點東城一望悠悠野外映門樓煙條弄色無人
管暖絮翻空不自由吹面風來詩興嬾折枝歌罷客
程脩清霜半夜驚搖落雪後竒觀萬玉樛第一聯一
舟浮春色暖絮
作煙條舟

右柳市長林

南郊如掌隔前川最愛春莎錦繡鮮酒熟聖賢隣曲
共服成單袷冠童聯風翻日脚煙光嫩花映山顏鳥
語妍沂上千年吾與點一般風詠興悠然

右繡郊尋春

古院荒涼野水橫灘聲闕盡幾人行持竿路入青郊

熟罷釣肯看皓月生細雨斜風蓑笠晚千山萬逕雪
花明微吟緩節閒歸去想像當年川上情

右院灘釣魚

次李天安蘭韻贈玄上人

卧病山村歲月淡蟬聲不覺滿清林頓無客子聯翩
過還有僧人取次尋口上平生談在昔目前憂患見
如今艱難到此能相救藏也何知我寸心

別金慶老回文

醒時別恨獨懷傷草露悲蛩秋夜長晴解宿雲山木
落影侵斜月海天蒼情遐送目愁魂斷調古知音入

耳洋明發與誰將遠道驚呼大盞洗枯腸

安珍原

鴻

將適具校餞之余適過之作此

青衫稱爵躋黃堂絃誦六期遺化長玉署先生作上
客少年教授非尋常蹇驢扶病偶過宿秉燭留歡爭
勸觴往往龍鍾變古律斯文盛會思無疆

吟示景范仲明

好意看他望道時先從遠色舍生推金雞水月如真
識煙雨平林又却疑涵養熟來能制動見聞高處不
忘卑功虧一簣尤加戒莫向桃源別路移

解武夷九曲

再題俛仰亭

當時結草亦融川淑氣知從未象前霽月峯隨秋月
湧龍泉水與玉泉連年年極目平郊雪日日凝情遠
樹煙翠竹江村沙暎白此間真樂可無傳

其二

碩人佳境值常難七曲中尊霽月巒萬嶺西回圍曠
朗三川南匯接瀾漫長林貯爽炎能冷沃野連豐阜
未乾葉落花開觀物性閒中日月自支干

送金博士大容

風雨迢迢一路長客行動苦到南鄉千般襍積逢無
語隔歲追隨別又忙輕燕銜泥巢舊宅嬌兒弄土向

空堂百年心事何須說抱病相携淚滿眶

題友人亭子

小亭蕭洒祇三間贏得丘樊一世閒兄弟相携開白酒風騷爲伴對青山溪魚有樂知游泳栖鳥無情任往還却羨吾君林下趣更嫌扶老趁朝班

贈季珍

時爲尚州牧使

商山景致問如今幾夢滄江繞舊林萬里倚樓人似玉三春露冕姓傅金公庭訟息雲生日書幌琴希月照心清唱忽驚西澗筆微酬其奈病中吟

寒蟬

昨夜秋風驚遠林夕陽枝上減金音悲涼似訴商宮怨惟悴還同楚澤吟失意漸愁涼露重乘肯曾聒綠陰滾身微翅薄迷栖托蟋蟀專場始自今

詠茱萸

幽蘭替佩蕙纒遺臭草充幃肇自誰玩世仙翁聊寓戲穰灾浪語遂傳奇年年此日供詩詠處處高山伴酒卮繫臂至今成故事黃花無乃恨同時

贈燈谷上人

煙霞一室夢依迷心似蓮花淨出泥幾把飛筇尋曠漠時穿破衲繞招提飄飄獨鶴輕橫嶂活活幽泉暗

瀉溪此裡高情人不會水雲蹤迹爲君題

宋君綸有同知所題堂詠和之

九十光陰已六旬
凶凶誰得絆餘春
青尊綠酒當時事
翠竹荒村自在貧
病裡醉醒渾是夢
世間名實孰爲賓
一聲啼鳥天將暮
匹馬風流賀季真

春之索和新齋漾碧亭韻

目歷身經語可裁
傳聞奈此索詩來
曾瞻地勢臨江盡
未賞天成斷岸開
青鶴定從方丈過
白鷗知自海門迴
魚龍窟下粼粼處
爲報蓮舟待此隈

放酒丹巖遂發宿證次贈吳祥之

數載家山馬迹迴
吾行未可少低徊
馳書彌勒院頭路
握手長城軒上盃
衾冷曉寒燒酒酌
情多會少驛亭回
主人投轄歡傾蓋
乘興還忘宿病來

其二

龍馭千秋去莫迴
花魚陪賞幾徘徊
空餘宮錦留身袋
正想官銀到手盃
君我此時同一感
笑談何處遽相回
聯床二夜猶嫌乍
珍重明珠滿眼來

己酉秋作

此生離合豈前期
良晤從教別袖遲
涵月曉雲樓掩映
上山朝日竹參差
悠悠不盡山陰興
屑屑何須楚

河西先生全集
客悲痛飲狂歌連日夜人生有命復奚疑

其二

人生有命復奚疑屑屑何須楚客悲萬木深霜紅爛
漫千峯洗雨碧參差君恩累世丘山重病毒纏身
歲月遲葵藿寸心終不老消埃庶保晚年期

次退溪韻

百年風雨與埃塵舉世誰爲無事人鏡裡朱顏非復
舊頭邊白髮不禁新機心息處收功少用力多時得
意真萬物異情憐並育榮枯隨性五行巡

次汝珮

何人爲我駐蘭旌許箇神珠照膽明萬里歸驂風送
遠五更殘夢月揚靈愁來斗覺秋生鬢別後那知春
滿庭講罷山堂聊一嘯倚巖間結桂枝青

和贈徐措大

名祐福建人
黑海而來

四海如今作一家形骸到處卽生涯鵬南九萬波濤
怒燕北三千道里賒鏡裡愁容催白髮枕邊清淚長
玄花王京此去消旬日月闕前頭且拜嘉

竹簟

嫋娜青林百尺長阿誰裁織展方床細文波感涵風
兩淨色寒凝帶雪霜赫赫頗忘三伏熱冷冷便覺九

秋涼居然卧我滄江上團扇無心手自將

憎蠅

營營止棘詠周章厥類蕃滋不可當點漆幾多迷皂
白淋漓容易敗羶薶韓吟苦待秋風到歐賦偏愁夏
日長千里未應隨驥尾投羹沒耐罪難償

詠鳴鵙

五月微陰地下生乘時竊發恣飛鳴桑麻謾入周公
詠蘭蕙偏驚楚客情不似隨陽終順序爭如夜半遠
聞聲乾坤造化真難識淑慝分形卵育并

次花潭讀易詩韻

溘然全體有生先大化流行物共傳義畫推移明變
化周經剖析驗人天工夫盡處方知妙體認淡時更
覺玄立象繫辭言意盡憶曾將聖絕韋編

其二

次第工夫有後先孔門曾說孰先傳真知不外常行
地下學無非上達天未信聖人言的的翻愁學者惑
玄玄本源徑造精微處末弊其如廢簡編

附原韻

坎离藏用有形先到得流行道始傳義畫略摸真
底象周經且說影中天研從物上方知化搜自源

頭始破玄書不盡言言外意仲尼非獨絕韋編

樂聖堂

至樂須將聖處期熟來休道見功遲神光瑩澈融杳
滓元氣流行貫四時頌德劉郎還戲劇記鄉王子是
真知壺中日月長如許涵泳從容卒歲怡

水雲亭

小閣憑虛勢欲飛水光雲影見交揮淪漣綠淨三川
合搖曳輕盈列岫圍晚靄受風飄客席遼潮涵雨上
漁磯更憐階下千竿竹時有閒人來扣扉

移蠟梅於階上剪其枯枝存其嫩條而培之

千年石罅戰風雷虎倒龍顛骨相環生意隨查辭澗
壑苦心回首困塵埃移時柯葉摧殘盡分外萌芽兩
露培寂寞自憐相見晚始收疎影印蒼苔

題竹院

靈川手額筆如椽竹院幽期興忽牽賓主唱酬金影
裏詩書吟誦玉聲邊尋常事業知多少次第工夫見
後先夜半挑燈松露滴四更雞叫又驚眠

環碧堂

綠浪粼粼蘸碧天沙邊立馬不知年蓬茅自詫韓公
舍松菊猶存陶令田石瀨魚蝦供俯掇林柯猿狖失

河西先生全集
攀緣何當促席軒窗畔斗酒相將合自然

示景范仲明

正通偏塞分人物清粹為賢濁駁愚天理不無拘氣
稟人心從此累形軀羣邪共蔽全明體一覺能新舊
深污泉達火燃充養去理明心一舜為徒

其二

小學窮鄉失大方成童猶未望宮牆晚來著力多生
稷舊習經心少激昂方進幾回尋已退操存不覺舍
還亾悠悠草木羞同腐問爾何由得自強

竹兩堂

聽松成先生守
坡山堂名

坡山歸卧世情微白日閒簷半掩扉黃卷政堪終夕
對紅塵能向此間飛清冷澗壑鳴環珮窈窕林巒繞
障幃病裡僅成婚嫁畢十年猶未製荷衣

用魚灌圃得江韻

過則聃周下况雄中和氣象有難一作同誰一作知
沂上春風樂默契秋陽江漢中直到高明淡見許休
言實理妙難窮沉潛克復方能得造道吾聞西澗翁

挽俞判書

汝霖

鷓行夙夜憤追陪一別那知玉樹摧 聖主方期舟
楫用明庭未展棟樑材當年雅量尋無所萬古英靈

去不回種慶芝蘭知世業獨憐霜露助幽哀

挽容兄尊府

早曾多病怕寒風臨老還逢歲在龍架上故衣誰解
整枕邊殘藥尚餘封滕公白日千年後陶令清霜九
月中今世何人同蔡子抽毫堪頌郭林宗

其二

江空劍化逝無蹤唯有儀刑想德容謝宅當門真種
玉桓家連袂愧乘龍純誠堪致烏銜士孝感元無鹿
犯松有累不能隨執紼荒山何處若堂封

挽尹士栗

夫君神骨自清新湖海知名二十春螢雪幾經辛苦
地詩書要見立揚辰元賓當日年猶少羅隱平生志
未伸萬事佳城歸一閉悲涼舊跡已成塵

挽瀟灑園主人

海上神人有後孫真知有德必能言遊都弱歲承天
寵賦孝強年闡性源節行搜來還退讓松楸燒去竟
煩冤因之永結終天痛地下融融樂亦存

挽趙參奉

世珩

春秋同社宴雞豚一笑蒼髯位更尊挾矢張弓爭畫
鵠登山臨水醉青樽墓中身世柯將爛杖裏田園月

幾痕四十九年閒箇事分明只把外人論

挽崔富平

雲路登名三十年致身臺閣世稱賢 君王嗾舌須
公發州府瘡痍望子痊未賦歸來魂已逝空留惠愛
事堪傳荒山宿草迷先壟薤露聲中倍黯然

挽李上舍

早脫塵銜水石間一身無事伴鷗閒已臨曲浦開新
宇旋取枯槎作假山濯纓到處觀魚樂策杖歸來詠
鳥還愁殺昔年吟嘯地至今遺迹夢班班

挽金右相

風雲一世寵光隆台鼎當年位明崇冠舉羣英初路
闢投荒數載暫途窮槐堂有後延餘慶鵷列何人代
盛功柱石元臣天不憖未成鮒者優長終

贈郭上舍以下七十八首別

歲歲年年來共齋金蘭結契兩知懷欽公舉舉雲中
鶴笑我區區井底蛙病裡精神渾索漠別場詩句費
安排翻慙木李賭瓊玉願借寒光目一揩

泮宮留別

沙邊立馬問行旌日晚西軒景更明把酒臨風輸肺
腑吟詩看竹亦精靈山雲出岫迷歸鳥水溜承簷落

後庭泮水春光波浩蕩此時當復眼雙青

題尹上舍林園

客裡空嗟兩鬢華寂寥田路向園斜近川風物宜君
舍大野雲山說我家形勝占來同賞趣閒忙分處異
生涯宦情漸與衰年歇須信歸心逐日加

慶席公望以兩恩同慶爲題使之賦

一榜題名孰後先同時設宴慶無前滿堂嘉客衣冠
盛盡日良辰樂事全壇道觀瞻人似海遶梁歌吹響
騰天綠衫分戲華筵上奇勝應從萬古傳

與齋中諸上舍酬和

夜入芹宮萬籟虛星河錯亂二更餘青燈一壁明如
許綠酒千鍾樂只且短舞長歌添逸興清談劇笑快
閒裾相逢各是他鄉客醉裡新詩或起予

大殿延祥帖

一天時節屬三陽滿殿穰穰降百祥霽色初銷玉墀
雪輕煙偏惹御爐香千年東海輸珍貝萬歲南山進
壽觴鳳曆靈長終勿替 聖神承繼永隆昌

臘前三白

長官課試

先臘三看白雪翩海邦多慶占豐年蝗蟲知已沒投
地禾稼終當盛滿田隨處山原銀界遍盈林樹木玉

枝連老農開戶爭相賀擬獻歌詞黼座前

心靜海鷗知

養靜從來歲月多此心如水平淡無波機關不動還忘
我禽鳥同閒一任他色舉豈會飛遠浦神交每自狎
晴沙相親相近輕浮沒適意優游泳太和

潘妃步蓮圖

殿裡金蓮特地開花顏玉貌望中來輕盈洛浦凌波
步宛轉巫山行雨迴入鏡凝粧猶掩抑臨風香袂尙
低徊誰知一箇丹青手留得潘妃是禍胎

赤瑛盤櫻桃

侍宴瓊樓夜氣高大官擎出滿盤桃盈盈鮮彩凌丹
闕燦燦新輝映赭袍亂暈騰空星月動餘光閃壁鬼
神逃忽驚顏色成韶稚未信靈仙不可遭

贈昌盛

雨晴雲散又輕風綠野平川入眼中談笑州蠻思列
檜杯觴軒席歎飄蓬音塵從此應相續別袂如今且
莫囟洛北清秋知會面月中仙桂趁芳叢

客中即事

雪映朝輝簷影斜眼前風景醉無何十年懷抱詩難
盡一夕談論意轉多魂夢時時尋故土形骸處處逐

人家竹風入面醒吾酒
姹女嬌歌亦可誇

上陽紅桃

三月桃花滿上陽
九重春色醉晨粧
繁紅低浥金盤露
絕艷淡凝玉案香
王母種來知幾歲
封姨護去許專場
不同解語傾人國
定是無心結子忙

未央垂柳

未央宮殿與雲連
楊柳依依萬樹烟
曉音中絲宛轉
差池羽際絮便娟
風搖弱力春無耐
水漾輕陰影自憐
揔是皇恩同雨露
凋零未擬望秋先

內翰見和又命和

李謫仙攜杜草堂
小儒何幸忝同床
論情不問前兼後
討句寧分弱與強
頓覺雲山迷醉眼
誰將杯酒惱愁腸
千鍾飲罷忘情地
一笑區區王歷陽

負外不和夏呈乞和

青天一去轉堂堂
十載蹉跎北海床
弱質自容羞懶拙
壯心何惜售剛強
蟬聲噪咽偏驚耳
雲物淒清合斷腸
本自平生誇膽氣
喜看旌鼓鎮河陽

題臨鏡樓

樹外秋郊入望平
溪流况復漾空清
黃雲壠上微風度
碧玉林邊斜日明
籬落炊烟凝野趣
池臺暖響繞

詩情雕籠見閉憐山鳥鷄鶩前頭問幾爭

過石橋與太容聯句

半生長以路為家北去南來費歲華太容抵暮懶鞭嘶
草馬侵晨愁着滿霜靴厚白雲天外鄉關遠寒夢床
頭意緒多容不覺西風催落帽一尊何處泛黃花厚

憶舊游書示李而直

去年曾踏茂城塵屈指如今已數春驛北看書老樹
下州東鼓柁大江濱自從夏雨來京國未遂琴臺訪
羽人為問山川無恙否與君他日欲尋真

觀擊毬

長安年少趁花開閒日平塲躍馬來信手弄輕飛迅
電翻身挑急逐奔雷千般騁巧難容狀百轉乘危未
擬迴悵我儒冠多落魄壯心依舊未全灰

載酒遊亭上

清林喜得小亭幽一望澄江銷客愁快意無心懷駕
鶴通河有路問牽牛尊中剩貯留朋酒林下還登送
客舟短笛長歌吾就醉月明誰上庾公樓

惜春

良辰易失終無奈纔喜春來春又歸日下紅殘飄躑
躑風前黃晚映薔薇緋桃絳杏魂難返粉蝶黃蜂事

半遠擬換金龜須及賞長繩誰得絆餘輝

垂楊

路上依依萬樹楊絲絲飄拂引風長紫駟隱映誰家
客素手高攀何處娘鸞趁輕陰聲韻軟魚吹落絮去
來忙反思烟雨江村路落影苔磯生晚涼

落絮

千里湖山景物非一春消息夢依依江頭乍見黃金
嫩枝上還驚白雪霏美日輕飄風際舞黏泥散漫雨
中稀長安兒女閒愁苦莫向疎簾故故飛

送南仲敬

雨晴南陌斂輕塵一席相分萬里人遠遠滄江舟蕩
漾高高嶺路身逡巡謾把心肝勞此別懸知面目在
明春悠悠對立言難盡買酒愁無錢一緡

路中逢雷雨帶月至家

山路崎嶇盡日行經霜巖壑煥丹青碧流走石波濤
怒冷雨奔風氣象嶮峽外長程衣曝日郵西大野水
沉星雲天缺月昏猶照馬首當門夜二更

贈燈谷上人

羨子忘機卧一菴不將身世撓塵凡危崖掛月愁中
缺古樹凌天喜上參獨我溪山偏嗜着十年來往費

登接冰巖雪嶺今方好無乃靈仙列玉龕

接花

阿誰有術騁神奇信手潛偷造化機穰下根株仍舊
植洛陽顏色換春姿坐使臙脂生老幹便教霜雪映
新枝花園賴此添佳艷投刃無痕鬼莫窺

送尹觀察關東之任

翩然一節趁青春四牡如飛不起塵萬仞鏡臺臨浩
渺千峯楓岳上嶙峋時清閒却范公轡路豁何須張
子輪公餘應理登山屐好把詩囊動遠人

胤師求和訥齋韻

月戶風扉伴鶴棲金蓮一朵亂峯西好鳥時將雲上
下竒巖還共樹高低銀河倒掛烟霞窟石竹橫分巖
狹蹊偶到塵顏聊一笑洞天眞景使人迷

蓮臺菴贈德茂

佛殿更深月滿楹一壺聊見故人情星河掩映涵空
碧巖岫陰森送暗青夜景政當筵上入幽禽偏向耳
邊鳴僧堂返卧吾方醉榻外殘燈獨自明

贈金季珍

爐炭東牕謝子行一年人事又西成簷前亂雨懷千
緒枕外寒蛩響五更遠夢回來愁目極新詩吟罷慰

魂清憑君爲問芝山叟五載分攜多少情

世梅堂

進士楊墩之堂

繞堂高下幾株梅累世君家手自栽面目冰霜孤竹
聖筋骸鐵石怪松魁黃昏影裡吟魂爽翠羽聲中醉
夢回休向後生煩詰果不應枝榦帶塵埃

華師既贈二詩明日又示一律求和遂答之

山人高卧結霞想倒掛緇巾古柏枝飛步還同雲出
宙坐忘或至苔生墀風飄弱柳窺山澗月傍寒梅笑
竹籬講罷禪牕吟短律水雲瓶錫去何之

謝申彥沃惠竒石

壕背芳蓀伴寂寥病中生活太蕭條沉香絕寶傾東
海崧岳高門數漢朝隱隱雲雷含遠勢蒼蒼鬢鬣噴
寒潮從君瘦碧相交映政助枯腸綠酒澆

因仲悟謝太守之貺

銀唇誰說郡中魚衰盛無常貢則如每向他州謀歲
納忽驚村舍斥官餘雙親匙筋供滋味病子盤盂輟
野蔬僂覺二天恩浹骨敢言秋釀醉浮蛆

偶閱東坡詩汲江煎茶戲徐孟不飲之作并真
一酒歌俱在一帙中因戲爲詩

清聲兩韻孰能評勻石何如表裡清雪乳若爲紅有

暈松風誰與散無聲倘看元氣陰陽足可顧容光江
月明百里雷霆那到耳况聞夏漏報山城

薛丈池閣

平泉不羨李文饒自有池臺做碧霄透雪暗香來翡翠
倚風寒玉中笙簫江鱗入養方傳蠶雲翻歸馴駕
想喬待得蓮花開十丈共君終夕夏逍遙

惟善於歸來亭下得一句以躑躅歸來爲對余
先作結語爲一絕用其韻酬唱遍於座中終以
躑躅之作湊成律詩

陳子吟詩豈偶哉東風習習玉川隈眼看翻覆雲將

老手弄潺湲月幾迴躑躅花前行躑躅歸來亭下詠
歸來半天落日空尊後點瑟誰驚醉夢回

采奴得溪蓀一叢以歸送致城主

家僮曉去水村迴偶此漂流斷岸隈根絕塵埃籠白
石葉專風露掩蒼苔芴收刈并朝朝換下展明沙款
款排會值廣陵鼉鼎上始應標格擅奇瓌

太守昨有溪蓀之和再用其韻

雲移郭外雨初迴趣入青山綠水隈夢罷正憐幽逕
竹仔來敢惜小庭苔重驚玉露隨珠唾便覺民熙及
物排涵泳自知恩渥重拔貧無計報瓊瓌

倒韻體

珍重明珠滿眼來，病魂煩眩首空回。
情淡未可孤清唱，氣乏還須借煖杯。
轉覺精神風悅惚，更驚魂夢月徘徊。
相酬草草君休怪，爾後悠悠腸幾迴。

次贈吳孟佑

方丈山光望鬱蔥，當空振鬣似青驄。
時看雲氣波濤怒，未見霜崖錦繡紅。
策杖千峯徒掛念，拂衣何日共臨風。
無端白髮三千丈，六一當年已作翁。

有贈

囂塵曾不鬧君閒，吟倚軒楹無苦顏。
浪跡豈同泥下

蟄需時且向霧中斑，春風八詠要和明月峯。
奈我還會結登臨，他日約一聲長笛對松關。

醉翁堂

堂在
南原

年來卧病醉鄉中，不信人間有我同。
獨醒豈堪追屈子，吾衰端可比歐公。
回頭十載三竿日，吹面鳴巖落雪風。
他夕上堂須痛飲，忘形誰是主人翁。

和贈文寶

誰道浮生四十強，霜侵千丈鬢毛長。
頭流山色濃新畫，文寶詩篇響水蒼。
竹下銜盃終日醉，塵間著跡幾人忙。
年來卧病閒多少，弧矢無心志四方。

贈邕訓導

前春酒盡未窮歡，悵望中山歲月闌。
健筆清詞驚滿眼，冷霜甘蜜謝盈盤。
空聞玉樹傳風韻，適值牛衣卧雪寒。
今日更逢商皓面，數杯相屬足團圓。

飲廣文李宜叟之酒，醉餘爲詩，又致於主守。

濱海孤城八月秋，故人爲邑客來遊。
杯觴乍洽真堪幸，簿領俄煩奈獨留。
十載朋情京洛上，一場談笑郡樓頭。
明朝鞭馬相分處，渭樹江雲揔是愁。

漢挈山

怪底神人湧北巒，誰知淑氣此中蟠。
標連南極星躔

拱根厭東荒地軸，盤蟄秋有龍雲易暗點。
峯餘雪夏猶寒，熊狐豺虎難容跡。惟見溟鵬九萬搏。

涿鹿戰

結繩纒變物情訛，柱折維傾已失和。
榆罔未能修德政，蚩尤遂此弄干戈。
迷原大霧姦妖甚，闢路神車聖智多。
絕轡忽竿銅鐵額，垂衣坐拱舊山河。

次智鑑上人軸中韻

媚日高秋爽氣澄，從何持軸過孫登。
聯名諸彥雖幸續，詠新篇我豈能獨恨都。
無排佛語相逢還，是好儒僧根株直達惟。
吾道嫌爾區區繞樹藤。

贈別

春雨絲絲草滿郊長風披拂小梅梢龍蛇逸翰輕王
趙金石新篇壓謝陶方丈三韓真戲劇香痕一派亦
風騷詠罷黃昏從此別短檠燈焰自煩挑

應吉求和其二兄之詩

昆令從知季又強陳家不獨數元方相看論議高千
古便覺聰明下十行燈火寒宵輸欵洽朔風歸路入
微茫世間離別尋常事何用臨歧只自傷

次吉元韻

亭壓滄浪夏木幽芳洲遠樹使人愁歸禽軟響堪留

客落日沈光已下牛渚畔難分潮汐水波頭不見去
來舟蒼茫坐待涵山月一陣輕風入畫樓

喚仙亭板上韻

數日天南汎海船今來下榻愧非賢笙歌半入雲烟
外風雨全迷草樹前樂事不妨淡盞倒征衫休被美
人牽山頭落日蓬瀛近擬向蘭洲喚列仙

挽金典翰

弱冠登龍上玉堂翩翩臺閣慣騰驤朝廷不許爲州
郡僚輩咸推進廟廊半世功名何倏忽百年人事太
匆忙門庭寥落堪垂涕忍見孤嫠顛彼蒼

挽容兄春萱兩喪

杞哭莊歌世共悲幾年偕老遂前期
桑榆暮景今同穴桃李初歡舊結縞
殘藥只應餘手澤塵奩終是欠容輝
傳家舉世推王濟負土新阡屬許攸

其二

夢幻浮生未可料百年人事似崇朝
依稀喬木廬聞鄭倉卒深杯客認陶
蕙帳人亡猿鶴怨玉京仙去鳳鸞邀
清渠送綠傳幽咽落月凝寒鎖寂寥

其三

早共庭蘭作弟兄念形已自益初傾
當年操杖嵇中散他日升堂范巨卿
玉匣墜空人不動

墜空人不動一作忽飛王

宅子石函開地馬先鳴
開地馬先鳴一作終開夏涘城
二連身後無遺憾泉下猶應恨尚平

挽容兄尊府

一生閒卧太平辰養病園林白髮新
杖屨幾迷芳草岸夢魂曾斷軟紅塵
帝鄉何處乘雲客華表他年化鶴人
猶有舊時墻下水祇今嗚咽送鄰鄰

挽尹士栗

君曾篤學元無敵我自偷閒敢與當
蓮洞孤尋棠岳遠黔川共歷甕城長
垂天雲翼方騰海蹴地霜蹄未

試場自是仲翔屯骨相空傳子建富文章

其二

一恨中來不自由眼前三益隔明幽孔賓已厭人間
事長吉新題天上樓江海古心還寂寞秋風楚韻尚
颼颼十年往事空回首楚水吳山憶舊遊

其三

相從蘿菟玩清幽夢裏翻驚是舊遊榻上同吟普賢
月巖邊一嘯白雲秋仍思嶺外三更雨共向亭前匹
馬休斗覺溪山今尚爾不知人事竟何由

其四

勝境逢來幾接肩與君遊賞目森然一泓金水雲霞
裏萬亩剛泉洞壑邊鳩社東頭春滿棹虎丘南畔月
侵筵當年對案風生筆今日題詩淚灑牋

挽景任

十年交契照心腸萬里相從苦不常間學淵源懷盛
德見聞孤寡愧寒鄉何堪二豎欺人命終負雙親望
立場一別高軒消息斷哀情重爲士林傷

南上舍求挽其族姑

誓死貞心二十年一生高節萬人傳天資不獨專純
潔學識還應助塞淵上達楓宸承異獎旁垂竹簡映

新編令名身後終難朽千載皇英可共肩

挽從弟殤子

天意茫茫愛惡乖蘭芽初茁雪霜摧琅琅讀字猶留
耳婉婉承顏未免懷畢竟佇看門戶慶斯須忽遇鬼
神猜彭殤到底俱寥寂萬古同歸地下埋

哭亡女

七月十八日死
是夜大風雨

萬事悠悠一蓋棺千林搖落陣雲寒沈綿旬朔形容
苦積累多年藥石難恠兩盲風初斂日殘蔬冷果送
行盤驚心烈焰延廬室爾後身添百病千

哭亡子

三尺骸軀數寸棺瞻言邱北眼長寒可憐人事何嗟
及不吊天心欲恃難嗚咽忍聞東野哭淒涼虛設退
之盤一床書冊平生迹影響還臨夢寐干

挽李兵使

杖鉞監臨數道兵六韜神策在經營指揮貔虎風雷
變節制豺狼河海傾却悶風霜凋玉樹儘驚軍國失
長城百年意氣今何處世上空留身後名

挽領相

人間榮貴兩難全二者能兼賦與偏位冠百僚尊莫
比年登八袞壽誰肩芝蘭秀茂家餘慶龍虎飛騰業

永傳盛事只應留太史鵷行叵耐淚漣漣

尹大用行為人求挽

終南雖近亦林泉薄宦棲遲道實全靜裏風烟摩詰
畫開中山水伯牙絃康強在世年非天福慶傳家子
有賢詠也辛秋同一榜北邙回首益潸然

挽房員外

得喪悠悠一夢場算來人事幾閒忙中年飛奮初非
幸晚歲沉淪豈是殃白首餘生魂已斷青霞竒意夜
何長最憐伯道終無子猶喜門多坦腹郎

挽歌

挽人而失其名氏者并以類見之

幽閒貞德自宜家一室歡情鼓瑟和喜見郎君躋膺
仕並蒙天寵享榮華人間四紀身還天堂上雙親恨
更多女嫁男婚嗟未畢獨留哀怨扣盆歌

其二

七十星霜壽且寧當時人道德幽貞室中琴瑟還相
失庭畔芝蘭漸欲榮一世浮雲傷往事千秋白日閉
佳城青門薤露悲風發獨有虛堂餘月明

其三

忽忽浮生只五暮人間苦樂豈能知蜉蝣朝暮何須
問蟋蟀春秋祇可悲老少同歸真是夢彭殤俱盡竟

何之從今一去無消息不耐高堂血涕垂

其四

終歲衡茅作逸民悠哉自老養天真間將烟月成吾
興何用樊籠絆此身壽到稀年非天札門無一子獨
悲辛北邙曉路愁雲起玉樹堪憐松下塵

其五

秋水精神玉骨奇堪嗟未盡百年期雖早見歸妻
日揖揖初看結子時弧矢四方終未遂詩書一室竟
何施秋風三疊腸應斷薤露聲中無限悲

抵伯承寓舍不遇

以下二首增

侵曉東來訪主人主人雙駕曲流濱遙知陋巷經過
處不遇孤懷彼此均啼鳥含情似報客草堂無語獨
留春却題鳳字空回首池面清風更惱神

題楊上舍

墩

光霽亭

梅堂隔世想餘音亭在山高與水深兩歇芳林清潤
色烟消靜夜見明心三杯酒裏看天地一局棋中送
古今鞍馬昔年秋峽晚可憐奔走失登臨

五言排律

用觀頤堂韻題源上人軸

昔作倦遊客今為多病人喧床任蟻鬪集筆詎蠅噴

河内先生集
藜藿堪充腹蓬茅足庇身鬢邊多見雪席上未成珍
斟酌賢兼聖題封君與臣醉憐王績記書愧子張紳
既未攻吾過何能誨爾諄東儒慙失學西佛謾稱神
每訝金宮侈還嫌木食貧坐忘猶滯跡厭事轉迷真
乏翼期騰碧靡舟欲渡津龍非床下蟄虎豈杖頭馴
見性終千里觀心又一塵盍思渠見誤休說我言陳
問却歸何暮談他去所因徵林曾索宋謁鄭更參申
委曲壺公筆依稀石老巾周家崧嶽峻漢殿履聲頻
乍報呻吟暇如承警咳親支離詩久廢點鐵若爲銀

林卽石川宋卽礪城尉
鄭卽湖陰申卽駱峯

西都

檀君生有異箕子教無窮井畫存遺制科條革舊風
流亾聞衛滿崛起說朱蒙俎豆初循禮弓矛後尚戎
漢皇開樂浪唐室置安東錦繡峯巒麗綾羅島嶼雄
兎山荒草樹麟窟暗蒿蓬石沒朝天迹巖專捍水功
涓江誰作鎮龍堰謾成宮不復臨長樂山河繞永崇

送柳仁仲及第還鄉

十載同門客論心屬歲寒宮深新發鍵河決浩翻瀾
快見金篋刮清聞絳綺彈幾成携被宿時作對床餐
昏惰如吾少聰明到子難偷閒終未偶別恨更無端

得句紛千慮銜杯強一歡茅簷陽景晏松嶺雪花殘
衣錦君榮幸吹壘我苦酸那知今夜話聊復盡團圓

別恨一作惜別

夜坐懷吉元士重

夜坐清神骨高樓爽氣全池鳴蛙乍歇村吠犬方眠
皎潔中天月淙琤下石泉飛廉回北岫列缺閃東邊
浩渺川重複蕭森樹接連簷楹明似畫境界迥如仙
政合瑤琴奏渾宜玉學傳良朋期不至勝賞共無緣
未作思親夢空吟伐木篇我心降既覲無使久悵悵

題淳昌衙舍

秋風吹晚雨山氣送微雲溪漲波增潤林清竹帶氛
高筵酣上客曲檻醉紅裙榆柳清陰遍松杉翠霧紛
膾鮮盤斫玉盃滿酒浮薰共喜朱顏酡誰看白日曛
青樓歌正發可以娛夫君

張子房

聞道張公子孤身起下邳人稱儒者氣自許帝王師
佐漢初非計除秦夙所期終投黃石訣獨與赤松隨
謾起商山皓餘功復在茲

次韻寄蘇齋

謫遠天南客孤懷寄卜生秋風入蟋蟀春日幾倉庚

去國心應折思親淚自傾精誠天地感妙句鬼神驚
際海雲凝島環山雪滿城明時知不廢何日笑相迎

其二

立命儒爲貴耽虛惜賈生何年辰起甲幾度戎回庚
西北天行遠東南地軸傾鯨鯢一夕怒羆虎片時驚
國泰惟懷德人和不用城自天應佑順休說夢中迎

附原韻

有友多篇翰因人問死生明年歲在己孟夏日斜
庚頰仰音容改毫釐事業傾波鷗萬里濶櫪馬五
更驚落月南桃浦屯雲古狎城須成地下會且許

夢中迎

全羅道歌謠

時圭庵爲
觀察使

乾坤多少氣秀發擅精英玉樹臨風迥水壺貯月清
神明通孝弟金石貫精誠浩浩滄溟濶温温瑞日晶
松篁高聳幹鸞鶴遠聞聲弱歲曾優學餘功早策名
德存齊險易情定絕將迎頃值陰邪橫猶憑直道亨
風波萬里外家國一身輕公會牧濟州故云爾大壑魚還縱朝
陽鳳轉鳴膠庠興濟濟宵雅樂菁菁贊禮儀章秩推
賢水鑑明儒林爭望斗公器合調羹按撫膺南國承
宣自北京諸州歸攬轡一路仰干旋威克先饗養仁

施始獨樂方知春有脚不見訟無情樂水歌芹藻芳
洲搵菴蘅顏風看再振絕學屬新盟孤陋嗟在簡空
操點瑟鏗

挽尹士栗

司馬昔多病顏回今也亾平生無畛域雅志在江湖
皎皎九霄鶴昂昂千里駒徒朕抱遠意竟未騁長途
欲掛延陵劍傷心付一呼

贈權判官

以下十五首別

薔薇花半謝客子酒方闌茂叔窻前草温公屋上山
十年曾識面今夕更逢歡黯黯天將暮飄飄我欲還

微風渾入袂倦鳥政投巖早晚重來扣門扉莫使關

詠雪

夜半風威緊乾坤入吐吞飄寒凝兩脚霏白碎雲根
亂勢侵殘月繁輝失曉暎擁衾儒懶起開戶稚驚喧
踏怕瓊爲迹看疑玉作園庭柯爭粉糝叢竹謾銀翻
皎潔清心膽茫迷眩眼魂兼天鋪編練特地散瓊璠
恍見騰虹氣眞將理月痕輕垂遙暗嶂新霽近明村
瘦立歌商皓枯僵卧洛袁崩傾鷗浴浪竦峙鶴乘軒
呀豁隨陵谷參差任屋垣天成謝琢鏤神力在胚渾
造次仙區闕尋常勝槩存色空迷幻化虛白悟眞元

萬象移前稟千殊返本源浮華文盡掃秦素質彌敦
學士尋秦路將軍入蔡門逢湘立馬日訪戴刺船昏
苦樂真殊致閒忙豈共論爭如就一室兀坐識前言
孫榻心何厭程門道益尊窻明斐几淨烟足土床溫
冬暖懷陽德年豐荷 聖恩巖廊調玉燭閭井負朝
暄郢曲終當遇姬歌敢自煩歡顏均廣廈披腹叩重
闈此願如能遂顛溝亦未冤

贈黃上舍

誤讀黃庭字飄零寄下都乖慵迷世好卻步失前圖
往聖爲儀則前脩作範模逝將開正路終以闢榛蕪

舊袂求三益揚眉過九衢吾行真邂逅公至自江湖
已是烟霞秀誰爲塵網拘心遊宇宙廣眼入山川紆
皓潔雲中鶴軒昂水上鳥萍蓬欣共托肝膽喜相輸
出處既同軌奔趨寧異途離鄉何逃矣觀國未宥子
大學攻文史齊門謝瑟琴三冬期取足一敗信無虞
自倚今朝別還尋前日娛征驂沙嶺急歸棹浪江孤
拙唱已云再清酬其可無杯觴空綠酒歌曲有驪駒
毋慳贈一語爲我住斯須

伯遠家作

高閣臨江起千山入望平風飄暮颯爽星宿秋凝晶

樹外候蟲噪籬邊村犬鳴留連一夕話悵悵十年情
白酒澆兼淺青燈翳復明臨分惜不發脉脉對前楹

全羅道歌謠

北闕民憂重南州使節巡日邊銜遠命湖外振芳塵
瑞世人中鳳從前席上珍杏園初奮步槐署遂騰身
日月臨揮翰風霜動搢紳幾回遷省府三入掌絲綸
直宿金門夜朝趨玉漏晨丹墀移近武黃海按窮濱
已著澄清效今逢字撫辰名聲駕范轡氣槩倒張輪
饗餐摧寒膽博羸奮涸鱗山川容指畫閭井備諏詢
照遍無私鑑行傳有脚春烹鮮治不擾游刃動如神

五十提封廣禾麻雨露均緇衣還授子棠樹去思人
益信仁爲美從知德有鄰善我涵樂育絃誦化清淳
各願螟蛉肖爭期尺蠖伸益梅調鼎彙堯舜致君民

光州庠歌謠

哲相巡江漢南人仰節旄降神惟嶽峻挺世是人豪
翼奮雲鵬遠枝攀月桂高天門騰彩氣朝著得英髦
冀野空良馬瀛洲壓巨鰲德容山韞玉華藻海翻濤
肅穆先羣彥清要幾獨勞銀臺傳鳳詔金闕侍龍袍
陝俗遵公奭成人化子臯生平志大學中歲詠離騷
道益臨危著心增慮患操洪恩終大需俊傑受重遭

方嶽承專寄窮村絕永號綱提存一本目舉盡纖毫
儉約回偷俗誅求怯老饕持衡物自正懸鏡影難逃
况是興文化先於逢掖曹根深看食實光潤見添膏
峻嶺猶加步危灘且進篙遙程指孔孟盛業望伊咎

全羅道歌謠

玉節違清漢湖邊四牡騰垂衣承肅穆攬轡指清澄
時論推舟揖王家倚股肱瓊林騫彩鳳瑤碧動壺
冰國史曾修草華音亦選能崇庠諸部歷使貳一方
仍百濟巡前後千秋撫廢興民生今按堵物性昔憑
陵地大機繁浩人稠訟易乘公明持藻鑑精爽仰風

稜田里除民瘼鄉閭戢吏徵弛張生袞鉞臧否辨滿
澗峻罰何須用嚴威自有懲已看清比水爭道直如
繩共濟將賢佐重治踵羨稱前人蒙潤色末俗入薰
蒸狂簡容吾小菁莪荷百朋專心明孔孟誘掖致顏
曾戶被文翁化堂從季路升願言魚脫背矯翅作溟
鵬

杆城郡歌謠

寡梅王父
宰求製

嶺表多時彥公生亦降神飛騰從翰苑論列動楓宸
語切陳情表心怡奉檄晨春官脩禮典柏府肅朝紳
乞外章雖累歸朝命自頻忤奸還几几收俊愛閭閻

再捷仍超秩新榮須慰親股肱纍印綬喉舌掌絲綸
錫命承天寵分憂按海民東關非劇地下邑豈邊垠
龍節方咸仰熊轡此政巡澄清看不日樂育望惟新
心鑑懸臺鏡風儀滿座春貪廉知勸懼惇獨絕哦呻
竊逐三千列常希七十人願因忠孝化他日作王賓

黃海道歌謠

積慶基前代傳家值運昌降神山嶽費生世鳳麟祥
煥赫黃金榜岩嶢白玉堂春風程子座冰盃寶君漿
臺閣推英俊絲綸幾贊揚螟蛉離國學山海按封疆
天上星輶下人間使節煌風雲生指顧霜露入張皇

問俗宣周化觀風倚召棠優游涵盛德歌詠播康莊

挽李上舍

夙擅芹宮價交遊一代推按真辭俗累投筆賦連漪
地遺弘中屋天慳伯道兒騎龍還舊宅繫燕結新悲
卅角曾趨拜摳衣每質疑聞喪方在遠哭柩已經時
恩遇知無報空存涕泗垂

挽尹士栗

前歲君南去今春我北行春糧愁濶別過隙歎浮生
墨濕留新語琴亡失古聲黃泉埋玉樹白日閉佳城
何處尋顏色空餘月滿庭

其二

我意君應識君懷我亦知文章自結髮山水是前期
得句爭撥秀逢場幾討奇占驚辛巳歲夢怕戊丁時
野鶴聲初寂芳蘭香已衰傷心無處問和淚寫新詩

其三

荀家元季方人道白眉良早夢春塘草曾吞鳥篆章
當年頭角聳身後姓名香慘惓春容苦蕭疏棣影涼
稽山堪慟哭無復見知章

其四

誤坐黃庭謫人間落彩鸞精英冰共玉芬馥蕙兼蘭

屈宋名南國曹劉數建安天高神更惡世短意何曼
塵土音容絕荒山歲月闌淒涼五鳳手沈痛廣陵彈
挽金別侍

山林存雅尚身世任浮雲花嶼春初暖松亭酒半醺
親朋交杖屨稚子助歡欣四運隨年謝孤懷絕世紛
悠狀乘化盡猿鶴吊同羣

七言排律

天柱峯翫月

雨暗秋空失月明褰衣携客上崢嶸初擎羽蓋看遙
海已覺冰輪輾太清造次徘徊蛾影隼斯須歷亂桂

河西先生集
花榮十分鏡淨塵難雜萬里波寒撓不驚多少雲霓
渾斷絕東西星斗謾縱橫騰身况似升銀闕舉目翻
疑在玉京自幸登臨屬此夜祇應魂夢到三生一聲
何處來猿嘯數曲誰家奏鳳笙物外真收淺淺與人
間閒任短長更風流欲記無佳句說與東來鶴姓丁

宿弓院

風雨蕭蕭九月秋客尋行店走征驕十年塵土真知
苦何處江山獨去休水漲溪流偏聒耳楓翻霜葉謾
驚愁崎嶇嶺路千盤險縈繞叢林百轉幽衰筇聳肩
詩骨瘦鄉園回首旅程悠柴扉敲倚編蓬底坐詠唐

詩不自由

有懷吟示公幹

雪後輕寒未放春窗前短夢故迷人他鄉萬里山兼
水落日三竿影與身厭聽林鴉啼益亂欣聞山鵲噪
還頻一篇風韻偏驚耳數句詩吟亦損神羸面撫來
多見骨弊裘穿却半蒙塵懶收書史經心眼謾整冠
巾任我真承夕扶頭空坐卧黃昏對火更酸辛聲傳
禁鼓人初定星月流光河漢濱

向晚方吟詩信可奴馬來路中逢雨既至題此
以下二首別

崔嵬直上馬虺隤石路嶮嶮只可鞋寺在烟霞千仞
古山藏洞壑幾層回林柯得意方春綠遊子多愁底
處理杜宇數聲來白晝飛生一點走閒階雙雙胡燕
尋巢樂一一山禽見客猜雄雉朝飛鳴角角黃鸝晚
轉響啾啾麻阡足兩元無蝥芥耐饒泥自有蛙眼底
風雲終古變吟中天地未全恢松杉鬱鬱他年翠景
物悠悠此日佳撩眼遊絲空百丈澆腸醞醪欠千杯
春風九十鳥過日旅泊一身蓬轉幾幾度中霄看月
立那堪遠宙望雲懷江行既未尋花柳野徑還須涉
草萊昨日村街行踽踽今朝山榻凭敦敦暫梳疎髮

前窓下忽聽琴音西壁隈舉目翻驚素札至開緘知
自故人來兼收鞍馬邀孤影得免空堂悵獨栖兩滴
短簷時有漏日沈滄海意從迷錦囊不管江山勝自
分從前付小溪

十八學士夜宴

天策真人策上勳晉陽扶義靖隋氛首開華館招延
急旁攬奇才吐握勤馬上山河輸一擲府中書籍討
三墳聯裾接武名俱埒峨冕垂紳動輒羣取善豈曾
拘怨敵掄材多是輟耕耘虛懷扣納兼師友夏直研
磨了夕昕房杜謀謨稱首選褚姚文學亦參聞諸儒

共負傾相望漸化同霑入室薰懷德有鄰聞闕里以
文會友尚河汾地因人重偏知禁官是時須競襲芬
東觀集書充棟宇石渠羣論漫紛紜爭如人世仙區
闕共綴官曹勝會殷歸說要從前席怨羅羞還自內
家分在公可使惜分寸卜夜應須乘暮曛蘭燭燄搖
宵荏苒瑤觴籌錯酒氤氳分曹狎坐供交謔吐論軒
眉倚半醺飲著枯腸傾斗石才多健筆爛烟雲英標
量力終歸盡感事垂千永賁文求駿按圖尋往牒好
賢翻案荷明君印今中禁蓬瀛在掠羨唐家未足云

贈許道峯

增

大野中開萬井關山圍岳峙聳羣瞻峯稱道理人能
學谷號仁儀俗好謙氣泄風雷如帶溫精移珠玉似
莊嫌彬焉往哲聲猶藉展也誰人跡復潛朱紱不求
當世聞彩衣還弊異鄉淹前溪戴兩身常釣絕噉穿
雲手自鎌退性直能超勿勿忽忽一作辣心剛不喜沾沾
螭蛉請誨儒文著婦孺稱賢物議僉闕廓詖辭不去
秀龍磨蒙學鏡開奩臨邦久矣糠先米傾蓋居狀樹
倚兼三逕寂寥籬擁雪數椽疎冷屋無苦占橋崩斷涓
將施楫梅落空庭會試鹽題鳳客來門有屨汗牛書
滿架排籤尋真異境聯行袂打話緇扉並卧簪殿磴

海西先生集
葇苔經雨滑洞門松檜鎖雲纖巖頭鶴睡時翻羽冰
下蛟寒欲折髯歷覽江山應得助平收景物豈傷廉
鯨鯢拔浪雄鱗背杞梓參天謝勾尖鴈足遙憑傳簡
劄蠅頭細畫寫緗縑披吟已許巾箱襲阻別仍思杖
舄詹夢罷竹窻風攪枕酒醒蓮閣月窺簾年光荏苒
人將老天氣怡融節向炎妄擬蠅行追逸驥肯將鯤
化較延鮎無人更效豐城掘寸鐵千秋土蝕銛

河西先生全集卷之十

